

古代
真本
華佗
神醫
秘傳
第二冊



真本 古代 華佗神醫秘傳 卷三

漢 譙縣華佗元化撰
唐 華原孫思邈編集

華佗神方秘傳

華佗麻沸散神方

專治病人腹中癥結。或成龜蛇鳥獸之類。各藥不效。必須割破小腹。將前物取出。或腦内生蟲。必須劈開頭腦。將蟲取出。則頭風自去。服此能令人麻醉。忽忽不知人事。任人劈破。不知痛癢。方如下。

羊躑躅 三錢

茉莉花根 一錢

當歸 一兩

菖蒲 三分

水煎服一碗

華佗瓊酥散神方

本劑專為癰疽瘡瘍施用。刀圭時服之。能令人不痛。

蟾酥 一錢

半夏 六分

羊躑躅 六分

胡椒 一錢 八分

川烏 一錢 八分

川椒 一錢 八分

萆撥 二錢

右為末。每服半分。陳酒調服。如欲大開。加白酒藥一丸。

華佗整骨麻藥神方

本劑專為開取箭頭時服之。令人不痛。

川烏

草烏

胡茄子

羊躑躅

麻黃

姜黃

右各等分研為末。茶酒任用。甘草水解。

華佗外敷麻藥神方



本劑專為施割症時。外部調敷之用。能令人知覺麻木。任割不痛。

川烏尖

草烏尖

生南星

生半夏

各五錢

胡椒一兩

蟾酥四錢

華撥五錢

細辛四錢

右研成細末。用燒酒調敷。

華佗解麻藥神方

施劑以後。換皮後三日。諸症平服。急宜用藥解之。使醒。

人參五錢

生甘草三錢

陳皮五分

半夏一錢

白微一錢

菖蒲五分

茯苓五錢

右藥以水煎成一碗。服之即醒。

華佗神膏

凡皮膚潰爛。欲使之去腐生新。及施割後。宜急用此膏敷之。

乳香

沒藥

血竭

兒茶

三七

各二錢

冰片一錢

麝香二分

熱則加黃連一錢

腐則加輕粉一錢

有火則加煨龍骨一錢

欲速收口則加珍珠一兩

或加蟹黃（法取團臍

螃蟹蒸熱取黃晒乾收用）

二錢為末。用。

或以前七藥加豚脂

半斤

蜂蠟一兩。稍溫用棉紙拖膏。貼癰疽破爛處。若係杖傷。則三七須倍之。

華佗接骨神方

本劑專治跌傷打傷。手足折斷。惟必先細心湊合端正後。以杉木板夾持之。不可顧患者之痛楚。再以下方



使之服下。最多二服當愈。不必三服也。

羊躑躅 三錢

炒大黃 三錢

當歸 三錢

芍藥 三錢

丹皮 二錢

生地 五錢

土狗

搗碎

土虱 三十個
搗爛

紅花 三錢

先將前藥用酒煎成。再加自然銅末一錢。連湯服下。

華佗愈風神方

本方凡四時諸風俱可用之。

防風

羌活

五加皮

芍藥

人參

丹參

薏苡仁

玄參

麥門冬 去心

乾地黃

大黃

青木香 各六分

松子仁

磁石 各八分

檳榔子 一錢

枳實 炙

牛膝

茯神

桂心 各八分

右爲末。蜜和爲圓。如梧子。以酒服十五圓。日再服。稍稍加至三十圓爲度。忌猪肉

魚蒜生葱酢蕪荑。

華佗通便神方

久病之後。大便一月不通。毋庸急急。止補其真陰。使精足以生血。血足以潤腸。大便自出。方用

玄參

當歸 各一兩

川芎 五錢

火麻仁 一錢

大黃 一錢

桃仁 十個

紅花 三分

蜜一碗。和水煎服。

華佗灌腸神方

大便閉結。常用之法。爲用下劑。惟久用則成習性。故兼用本法。

豚膽一具。取汁入醋少許。取竹筒長三四寸者。以半納穀道中。將汁灌入。一食頃。當便。又以花椒豆豉水煎。用樗根汁麻油泔淀三味合灌之。亦下。又以桃白皮苦參艾大棗煎灌亦下。兼療疔痢及生惡瘡者。特施術時。藥須微溫。勿過熱。勿過冷。

華佗利小便神方

利小便藥常品爲車前澤瀉等。其效濡緩。不及用探尿管術之便。

以葱葉末端銳部。納玉莖孔中。深達三寸許。以口微吹。便自通。又以鹽末入葱吹之。令鹽入莖孔中。亦通。或以豚膀胱一具。於開孔處縛鵝翎管吹之。脹滿。以絲縛紮上孔。卽以翎管銳端入馬口。手壓膀胱。令氣自尿管透入膀胱中。便自通。

華佗按摩神術

凡人支節腑臟鬱積而不宣。易成八疾。一曰風。二曰寒。三曰暑。四曰溼。五曰飢。六曰飽。七曰勞。八曰逸。凡斯諸疾。當未成時。當導而宣之。使內體鞏固。外邪無自而入。迨既感受。宜相其機官。循其湊理。用手術按摩疏散之。其奏效視湯液圓散神速。述如下。

一兩手相捉紐。振如洗手法。二兩手淺相差翻覆向胸。三兩手相捉共按脘。左右同。四以手如挽五石力弓。左右同。五兩手相重按脘。徐徐振身。左右同。六作拳向前築。左右同。七作拳却頓。此是開胸法。左右同。八如拓石法。左右同。九以手反撻背。左右同。十兩手據地縮身曲脊向上三舉。十一兩

手抱頭宛轉膝上。此是抽脇。十二大坐斜身。偏欹如排山。左右同。十三大坐伸兩脚。卽以一脚向前虛掣。左右同。十四兩手拒地回顧。此虎視法。左右同。十五立地反拘身三舉。十六兩手急相叉以脚踏手足。左右同。十七起立以脚前後虛踏。左右同。十八大坐伸兩脚用當相手勾所伸脚着膝中。以手按之。左右同。右十八法不問老幼。日則能依此三遍者。一月後百病悉除。行及奔馬。補益延年。能食眼明。輕健。不復疲乏。

華佗曼應圓神方

本方功用甚大。百疾可治。如遇結胸。油漿水下七丸。未動再服。積飧食癥。水下三丸。水氣通身腫。茯苓湯下五丸。隔噎。丁香湯下三丸。因積成勞。鱉甲湯下二丸。腹中一切痛。醋湯下七丸。小腸疝癖。茴香湯下三丸。大小便不通。蜜湯下五丸。心痛。茱萸湯下五丸。卒死。以小便下七丸。白痛。乾薑湯下一丸。赤痢。甘草湯下一丸。胃冷吐食。丁香湯下二丸。

甘遂 三兩

芫花 三兩

大戟 二兩

巴豆

二兩 去皮

乾漆 二兩 皂角

七挺 去皮

大黃

三兩 煨

三稜 三兩

蓬莪茂 二兩

檳榔 一兩

木通 一兩

當歸 五兩

雷丸 一兩

黑牽牛 五兩

桑白皮 二兩

五靈脂 二兩

礪砂 三兩

訶子

一兩 麵裹 煨熟 去麵

澤瀉 二兩

梔子仁 二兩

上藥各細剉成末。入米醋二升。浸三日。入銀石器中。慢火熬令醋盡。焙乾再炒黃黑色。存性入下藥。

木香

肉桂

陳皮

去白

丁香

青皮

去皮

肉荳蔻

黃耆

白朮

沒藥

附子 泡裂去皮臍 以上各一兩

芍藥

川芎

白牽牛 炒

天南星 水煮

鱉甲 裂浸醋 炙令黃

熟地黃 酒浸 一宿

牡丹皮

赤茯苓

芸薹子 炒

乾薑 泡裂去皮 以上各二兩

右同爲末。與前藥相合。醋糊丸。菉豆大。修合。

時須在淨室中。運以至誠方驗。

華佗交藤丸神方

本劑功能駐顏長算。祛百疾。

何首烏

即交藤根赤白 者佳用一斤

茯苓 五兩

牛膝 二兩

右末之蜜爲丸。酒下三十丸。忌食猪羊血。

華佗補心丹神方

專治因驚失心。或因思慮過當。心氣不寧。狂言妄語。叫呼奔走。

硃砂 一分

雄黃 一分 二物并研

白附子 一錢 爲末

右拌勻以猪心血爲丸如梧子大。更則以硃砂爲衣。

每服二丸。臨臥用人參菖蒲湯下。常服一丸。能安魂魄。補心氣。鎮神靈。

華佗明目丹神方

專治傳屍虛癆肌瘦面黃嘔吐咳嗽不定。

雄黃 五錢

兔糞 二兩

天靈蓋 一兩 炙

鱉甲 一分

木香 五錢

輕粉 一分

右爲末製

法酒一大升。大黃五錢。熬膏入煎藥爲丸。彈子大。硃砂爲衣。用時先燒安息香令烟盡。吸之不嗽。非傳屍也。

不可用此藥。若烟入口咳而不能禁止。乃尸也。宜用此藥。五更初服。勿使人知。以童子小便同酒共一盞化。



爲丸服之。

華佗醉仙丹神方

治五官虛氣。風寒暑溼之邪。蓄積在中。久而不散。致偏枯不遂。麻木不仁。

麻黃一兩水煮
焙乾爲末

天南星七個
炮

黑附子三個
炮

地龍七條
去土

先將麻黃末入酒一升熬成膏。

餘藥爲丸。如彈子大。每日食後及臨臥時用酒化一兩服。下汗出卽效。

華佗五勝散神方

治四時傷寒冒風。身熱頭痛。昏倦寒痰。咳嗽及中滿。傷寒三日以前服無不效。

甘草

石膏

白朮

五味子各一兩

乾薑三分
炮

右同爲細末。每服以藥二錢加水一盞。入

生薑二片。棗子一個。同煎至七分。去滓溫服。中滿以鹽煎。傷風頭痛加荊芥煎。

華佗草撥散神方

治牙痛極神驗。

草蓼撥

木鱉子去殼

先研木鱉子令細。後入蓼撥同研令勻。隨左右鼻內嚙之。每用一豆許。

華佗絳雪丹神方

治喉閉極神效。

礞砂

白礬各一大塊
如皂大

馬牙硝一分

消石四兩

黃丹五錢

新巴豆六個

用麝磁



小碗一個。先煨令熱。下前四藥。次下黃丹。次下巴豆。須將巴豆先打破。逐個旋下。候焰盡又下一個。入蛇退皮一條。自然燒化。以砂鑿成汗。候冷結硬。研成細末。每用少許。以筆管吹在患處。

華佗碧雪丹神方

治口瘡及咽喉腫痛。即含化。

焰硝 二兩 生甘草 二兩

青黛 五錢

殭蠶 五錢

右爲細末。取黃牛膽汁和之。令勻。裝入膽

囊內。懸當風處。臘月合。過百日中用。

華佗白龍散神方

治風毒赤爛眼眶倒睫。冷熱淚不止。

白鱗粉 一兩 銅綠 一錢

右藥各先研成細末。再相各研勻。每用半錢。百沸湯化開。以手指洗眼。

華佗皂角散神方

治五種腸風。瀉血下痢。糞前有血。號外痔。糞後有血。號內痔。大腸不收。號脫肛。穀道四面有努肉。如乳頭。號舉痔。頭上有孔。號漏痔。並皆治之。

黃牛角 一個
剉細

蛇蛻 一條

猪牙皂角 五個
剉細

穿山甲

右四藥同入瓷瓶內。黃泥封固。候乾。先以小火燒令

烟出。後用大火。煨令通紅爲度。取出攤冷。研成末。患者先以胡桃肉一個。分作四分。取一分於臨臥時研細如糊。溫酒送服。即睡。先引蟲出。至五更時再用溫酒調下藥末二錢。至辰時更進一服。取下惡物。永除根本。



古代
真本
華佗神醫秘傳 卷四

漢唐
譙縣華佗元化撰
華原孫思邈編集

華佗內科秘傳

華佗治傷寒初起神方

傷寒治得一日。在皮當摩膏。火灸即愈。若不解者。至二日在膚可法針。服解肌散發汗。汗出即愈。若不解者。至三日在肌復發汗。則愈。若不解者。止勿復發汗也。至四日在胸宜服藜蘆丸。微吐則愈。若更困。藜蘆丸不能吐者。服小豆瓜蒂散。吐之則愈。視病尚未醒者。復一法針之。五日在腹。六日入胃。入胃則可下也。又傷寒初起時。用柴胡、白芍、茯苓、甘章、桂枝、麻黃各一錢。當歸二錢。陳皮五分。水煎服極效。

華佗治傷寒不汗神方

凡患傷寒。一日至三日不汗者。宜用葛根半斤、烏梅十四枚、蔥白一握、豉一升（綿裹）以水九升煮取三升。分爲三服。初一服便厚覆取汗。汗出粉之。

華佗治傷寒譫語神方

用大黃四兩、厚朴二兩（炙）枳實三枚（炙）以水四升煮取一升二合。去滓分溫再服。若一服得利。譫語止。勿服之也。

華佗治傷寒發狂神方



凡傷寒熱極發狂。驚悸恍惚。可急用石膏二錢。黃連一錢爲末。煎甘草水冷服。有效。

華佗治傷寒結胸神方

傷寒結胸者。謂熱毒氣結聚於心胸也。此由病發於湯而早下。熱氣乘虛而痞結不散也。按之痛。寸脈浮。關脈沉是也。可用蜀大黃半觔。葶藶子半升（熬）杏仁半升（去皮尖熬令赤黑色）芒硝半升。右四味搗篩。一昧杏仁合芒硝研如泥。和散合劑。丸如彈子大。每服一丸。用甘遂末一錢匕。白蜜一兩水二升同煮取一升。溫頓服之。一宿乃自下。如不下。更服取下爲要。或用瓜蒌一枚搥碎。入甘草一錢。同煎服之。極神效。

華佗治傷寒發，神方

傷寒內發斑。身熱心如火。口渴呼水。氣喘舌燥。是爲陽火焚於胃口。宜用大劑寒涼撲滅之。方用元參三兩。黃芩一兩。麥冬三兩。升麻二錢。防風天花粉青黛生甘草各三錢。生地一兩。桑白皮五錢。蘇葉一錢。一劑卽消大半。二劑全愈。

按此方雖傳自神仙。惟升麻用至二錢。餘藥亦用至數兩。用者大宜斟酌。不可泥古。

孫思邈注

華佗治傷寒發黃神方

用麻黃一握去節。綿裹。陳酒五升。煮取半升。頓服。取小汗。春月可用水煎。

華佗治傷寒中風神方

丹砂一二銖

蜀椒

蜀漆

乾薑

細辛

黃芩

防己

桂心

茯苓

人參

沙參

桔梗

女萎

烏頭

各十八銖

雄黃

二十四銖

吳茱萸

三十銖

麻黃

代赭

各二兩半

右十八味治下篩。酒服方寸匕。日三。覆令汗出。

華佗治傷寒吐血神方

青柏葉 三兩

乾薑 二兩

艾 三把

取一升。綿濾之。溫分再服。馬通汁是馬屎汁也。

以水五升。煮取一升。去滓。別絞取新出馬通汁一升。相和合煎。

華佗治傷寒下血神方

用釜竈下黃焦土 半升

甘草 三兩

乾地黃 三兩

白朮 三兩

附子 三兩

阿膠 三兩

黃芩 三兩

先以水八升。煮六味。取三升。去滓。內膠令烱。分三服。忌海藻菰菜蕪荑猪肉雀肉桃李等。

華佗治傷寒衄血神方

衄者鼻出血也。此由五臟熱結所爲。方用左顧牡蠣 十分

石膏 五分

右二味擣末。酒服方寸匕。日三。

四。亦可蜜丸如梧子大。酒服十五丸。

華佗治傷寒煩渴神方

知母 六兩

石膏 一觔

梗米 六合

人參 三兩

甘草 二兩

先以水一斗二升。煮米熟。去米

內諸藥。煮取六升。去滓。溫服一升。日三。忌海藻菰菜。

華佗治傷寒食積神方



黃芩 大黃 各五兩 梔子仁 十六枚 黃連 五兩去毛 豉 一升熬 甘遂 三兩 麻黃 五兩去節 芒硝 二兩

巴豆 一百枚去皮及心熬研 右九味搗篩白蜜和丸如梧子服三丸以吐下爲度若不吐利加二丸

華佗治傷寒咳嗽神方

知母 二兩 貝母 乾葛 芍藥 各三兩 石膏 四兩 黃芩 三兩 杏仁 一兩去皮尖及雙仁 梔子 二兩

右八味切以水七升煮取二升五合去滓分爲三服如人行八九里再服忌蒜麵七日

華佗治傷寒目翳神方

秦皮 升麻 各一兩 黃連 各一兩 右三味用水四升煮取二升半冷之分用三合仰眼以綿繞筋頭取湯以

滴眼中如屋漏狀盡三合止須臾復日五六遍乃佳忌猪肉冷水

華佗治傷寒口瘡神方

升麻 炙甘草 各一兩 竹葉 五兩 麥門冬 三分去心 牡丹 一分 乾棗 二十枚 右六味以水四

升煮取一升半去滓分五服含稍稍咽之爲度忌海藻慈菜胡荽等

華佗治傷寒肢痛神方

煮馬屎與羊屎汁漬之日三度或以豬膏和羊屎塗之亦佳

華佗治傷寒虛羸神方

本症爲其入血氣先虛復爲虛邪所中其後經發汗吐下後熱邪始散真氣尙少五臟猶虛穀神未復故其候



爲虛羸少氣。氣逆并嘔吐。方用石膏一觔。竹葉一把。人參二兩。半夏一升。生薑四兩。

炙甘草二兩。右樂以水一斗二升。煮取六升。去滓。內粳米一升。米熟去米飲一升。日三服。忌海藻菰菜羊

肉餒。

華佗治傷寒不眠神方

本病爲陽獨盛陰偏虛之症。其候爲不得眠。反覆顛倒。心內苦痛懊懣。方用肥梔子十四枚。以水四升。先煮梔子取二升半。去滓。內豉。更煮取一升半。去豉分溫再服。得吐止服。

香豉 四合 綿裹

華佗治傷寒小便不利神方

用滑石二兩。葶藶子一合。二物以水二升。煮取七合。去滓頓服之。

華治佗傷寒下痢神方

傷寒腹中微痛。下利不止。方用秦皮三兩。黃連四兩。白頭翁二兩。阿膠三兩。先以前三味

入水八升。煮取二升。去滓。內膠令烊。適寒溫。先食飲七合。日二服。忌猪肉冷水。

華佗治傷頭痛神方

乾薑 防風 沙參 細辛 白朮 人參 蜀椒 茯苓 麻黃 黃芩 代赭

桔梗 吳茱萸 各一兩 附子 一枚 右爲末。先食酒服一錢。七日三。

華佗治傷寒喉痛神方



此爲下部脈不至。陰陽隔絕。邪客於足少陰之經。毒氣上熏。故喉咽不利。或痛而生瘡。方用半夏炙甘草桂心三味等分。各擣篩畢。更合擣之。以白湯飲服。方寸七日三服。

華佗治傷寒舌出神方

以梅花片腦半分爲末。搽之卽收。

華佗治傷寒氣喘神方

以紫蘇一把。水煮。稍稍飲之。其喘立止。或以防己人參等分爲末。桑白皮煎水服二錢。

華佗治傷寒便秘神方

大黃厚朴(炙)各三兩。枳實(炙)六斤。以水五升。煮取二升。體强者服一升。羸者服七合。

華佗治傷寒呃逆神方

葶澄茄高良薑各等分爲末。每服二錢。水六分。煎十沸。入醋少許服之。

華佗傷寒嘔噦神方

橘皮炙甘草各一兩。人參二兩。生薑四兩。以水六升。煮取二升。去滓。分三服。忌海藻菘菜。

華佗治傷寒厥逆神方

其症爲面青。四肢厥冷。腹痛身冷。用大附子二枚。炮製去皮臍爲末。每服三錢。薑汁半盞送下。以臍下如火暖爲度。

華佗治傷寒搐搦神方

本症爲汗後覆蓋不密。致腰背及四肢搐搦。用牛蒡根十條。加麻黃牛膝天南星各六錢。剉細。再入陳酒二盃。於盆內同研。以新布絞汁。以炭火燒藥至黑色。取出研細。每服一錢。溫酒下。日凡三服。

華佗治傷寒脅痛神方

本症爲心下痞滿。痛引兩脅。以羌花甘遂大戟等分爲末。加大棗十枚。水一盃半。煎取八分。去滓。身強者服一錢。弱者五分。宜平旦。

華佗治傷寒血結神方

胸膈脹滿。痛不可近。用海蛤滑石甘草各一兩。芒硝五錢。共爲末。每服二錢。雞子白調下。

華佗治傷寒腹脹神方

桔梗半夏陳皮各三錢。薑五片。水二盃煎服。

華佗治寒傷中寒神方

生附子一兩。去皮臍。炮乾薑一兩。每服三錢。水二盃。煎取一盃。溫服。

華佗治陰症傷寒神方

陰症傷寒。卽夾色傷寒。俗名夾陰傷寒。先因慾事後感寒邪。陽衰陰盛。六脈沉伏。小腹絞痛。四肢逆冷。男子腎囊或女子乳頭內縮。或手足彎曲紫黑。黑甚則牙緊氣絕。宜急下人參乾薑各一兩。生附子一枚。剖爲八片。水

四盤半煎取一盤頓服。須臾自脈出而身溫矣。

華佗治傷寒陰陽易神方

本症爲男女傷寒病。新差未平復。與之交接而得病者。其在男子病新差未平復。而婦人與之交接得病者。名陽易。婦人病新差未平復。而男子與之交接得病者。名陰易。其狀身重。小腹裏急。或引陰中拘攣。熱上衝胸。頭重不能舉。眼內生翳。四肢拘急。不速治多死。婦人陽易方。宜用乾薑四兩。擣末。湯和一頓服。溫覆汗出得解。男子陰易。宜用薤一大握。猥鼠糞十四枚。以水五升。煮取二升。盡飲之。溫臥汗出便愈。又男子陰易。可取女人中裊近隱處燒之。取其灰爲散。服方寸匕。日三。小便卽利。陰頭微腫。此爲愈矣。若女人病。可取男子裊如前法。酒水服。

華佗治傷寒勞復神方

本症爲傷寒病新差。津液未復。血氣尙虛。若勞動早。更復成病。故云復也。宜用鼠屎二十一枚。香豉一升。梔七枚。大黃三兩。以水五升。煎取二升七合。分三服。微取汗。數試異驗。

華佗治傷寒食復神方

本症爲傷寒病新差。脾胃尙虛。穀氣未復。若食猪肉腸血肥魚及油脂物。必大下利。醫所不能治。必至於死。若食餅餌粢黍飴脯膾炙棗栗諸果物堅實之物。胃氣虛弱不能消化。必更結熱。適於藥下之。則胃氣虛冷。大利難禁。不下必死。下之又復危險。不可不慎。宜用豉五合。炙甘草桂心各二兩。大黃四兩。芒硝半斤。以水六升。煮